

大洞微妙

敕曰大洞真玄洞章飛空秘符當於是日清旦丹書青上以清水服之心神自寧每甲子庚申本命八節吉日依法書服之凡人穢炁服之百日長生神靈降於其身用此治病無不感應

呪曰

玉符敕鎮大洞自明白雲海布大洞將軍結隨符散病逐水軍長生神仙靈神降身慈惠如高上玉清太和玉律令

右法再取天門炁吹符有大洞雌雄黃室白雲將軍童君各一萬人保之不得妄泄秘禁甚重察子之過矣

變景流化神將妙法

凡欲朝元入靖步飛空置面北以淨席一領酒菓各一分叩齒九遍五臟百關出白炁鬱鬱良久炁變化作雌一將軍童君一萬人又存五臟百關出黃炁鬱鬱良久炁變化作雄一將軍童君一萬人又存五臟六腑三田中


有金室玉戶出紫炁化作大洞將軍一萬人又存泥丸黃室乃下元黃庭中出黃炁化作黃室童君一萬人又存鼻中出白炁作白雲將軍又存耳中聞童君言語鳴羅擊鼓聲振天地良久入泥丸中金官見萬萬人馬化為

一寶珠光如日月自己以口吸吞之入下丹田化為一小兒如初生之狀見三尸五慾之神從玉莖中走出吸炁一口納入心中良久心中出大光一道自口出化隱道將軍一萬人張弓舞劍斬三尸首落化為其諸童君閉目頂中出白炁并將軍吏兵又化身作自己形乘白雲以口呼左右吏兵上詣玉府面禮玉皇吹請將等化金光一時吞下方作此法欲召神役使先書招真致神符及召功曹主者合千吏兵大效也


掌訣




太微星



出神飛空置



天圓地方置



大洞五炁混合部

默坐思神拘魂魄守定丹臺咽津和炁五

神混合俱朝元始邪不干正萬病不生精鎖命門永壽無窮長生久視皆在天庭

太一尊神在泥丸宮口吐日月光天蓬亦如小兒司命如已丹衣金冠桃康如已黃衣泥丸公子青衣如王公白元尊神白衣如王公

兆若心不寧恐災來左手撫心呪曰中央司命天庭君續弟子命以金繩使臣千秋萬春無窮呪之七遍不寧之病即愈

薰病呪

太一尊神務猷以歸却滅百病蕩除邪穢呪之七遍蒸不和精不育即愈也

父養精胎有春秋感恩之動恐液漏失禁存桃康握天皇象符呪曰

命門桃君孩道康合延精蒸朝泥丸敢有妖邪干正法流金擲火衝洞房

即免滿液之患忌帶葷血腥穢治百病育精神誦呪定蒸則神清蒸爽

惡夢邪試祝魂名存五神覺而呪曰大洞真王張鍊三魂第一魂速拘七魄第二魂速守泥丸第三魂受心節度速啓太上三

元君凡遇不祥之夢七鬼遊尸東協邪源急召桃康護命消滅惡根反凶成吉生死無緣即閉蒸非夢並無也

去三尸法



右符甲子庚申日朱書人定時服之七次尸蟲自出又旦夕二時以左手撫心念呪則不能為害呪曰

九天上帝四門八靈七政二玄三素九青太一桃康上詣三清請告帝君攝念黃寧夕召七魄朝呼三魂伏實神爽若有不祥七星神兵但呼真靈流濁煉形斬滅邪精三神和桑血尸沉靈神歸絳宅觸向利貞使和神仙長保延靈急急如高上神霄玉清王律令

又一本呪

九天玉帝四清八景七晨二玄三素九宿太一太微上詣帝一桃康合延請召三魂上詣玉霄神以金官蠲除不祥敢有拒逆火甲揚

兵神仙使我長保元年急急如高上神霄王清真王律令

玉液鍊身大洞真人法

先以庚申日出時叩齒七十二過取東南玄黃二炁入下丹田中變一嬰兒念呪了以舌柱上腭攪口內外玉液自生漱滿咽入胃上嬰孩口中其神在心下帝君開目方致之日面出玉光體去皮皺百病不生呪曰

太一帝君司命真人韓府鍊神南宮受名三台凝華及我始生玉灌金津金返青真白日飛天上詣玉君急急如高上神霄王敕

元始天尊賜神霄天官南昌鍊身法天靈天靈付我元神離本少病坎無形神斬邪百關蕩炎一真我使欽德天宮水青烹鍊用火炙成胎官我行此法火光流形五帝衛我昇入帝晨急急如南昌韓君丈人律令

右法六陽時面南念呪吸蒸一口咽之三


拘制三魂法

法曰每月三日十三二十三日是夕三魂棄

身遊外攝之者當仰卧去枕伸足交手心  
上瞑目閉息三息叩齒三通存心中  
有赤炁如雞子從內出於口中其炁如火  
覆身周匝覺體少熱呼三魂呪曰

太微玄宮中黃姑青內錄三魂胎光安寧神  
寶玉室與我俱生不得妄動  
藍神黃庭太靈守衛若欲飛行惟請玉清飢渴者吞飲玉  
晶急急如太一真人三台玉皇敕

制魂符



右符叩天鼓七十二通白書二上又一符  
鳴金鐘三十六通朱書黃上又一符鳴玉  
磬二十四通黑書白上

制魄法

每月初一十五三十日小月二十九日七魄  
流蕩交通鬼魅制魂還魄之法此日仰卧伸  
足以掌掩兩耳令指相按於頂上瞑目閉息

七息叩齒七通心存鼻端白炁如蒼大已覺  
須臾漸大冠身上下九重忽變成兩青龍在  
兩目中白虎在鼻孔朱雀在心上靈蛇在左  
足蒼龜在右足下二女青錦衣手把火光當  
兩耳門咽津七通呼七魄名曰尸狗伏矢雀

陰吞賊飛毒除穢臭肺呪曰  
素炁九運制魄却奸天將守門嬌女執關鍊  
魄和柔與我相安不得妄動看察形源若有  
飢渴聽飲黃丹

臨卧呪曰臨卧之時當出四獸衛身

青龍出吾肝在吾左白虎出吾肺在吾右朱  
雀出吾心在吾前玄武出吾腎在吾後汝等  
四獸磨牙利劍在吾左右前後辟却眾邪惡  
鬼遠去千里不得妄來干吾玉房寢卧安穩  
無惡夢魘急急如律令

存神呪

肝主藏魂肺主藏魄心主藏神脾主藏志腎  
主藏精青龍還吾肝白虎還吾肺朱雀還吾  
心玄武還吾腎黃龍鎮吾脾以為實腹衆邪  
惡鬼不得下居急急如律令

又法卧時以手撫心上祝曰

天靈節榮願保長生五臟君侯願且安寧男  
官念七遍女官念二十四遍令人長生無疾  
矣

禳惡夢法

遇惡夢不說且以水面東笑水呪曰

惡夢者草木好夢成寶玉

安五臟法

常以月晦日人定時北首卧以左手撫心上  
呪曰

五臟之君道德之神日君月夫人皆共守真  
人某甲之身男官念七遍女官念二七遍延  
年益壽矣

出行法

凡欲出行常存斗星在頭上默念勿令輟令  
人不逢鬼魅所向皆吉若欲征戰宜存斗柄  
在前以指敵大吉也呪曰  
乾元亨利貞急急如律令

降魔法

凡睡卧之中或行幽暗之間或遇頑惡鬼崇

作性者即正身心除去雜念呪曰

於一毛端現寶王刹坐微塵中轉大法輪滅度合覺披塵勞內改勢覺中如風吹火如刀斬水了無相觸汝如沸湯彼如堅冰燒蒸漸隣不日消殞

安耳鳴法

若耳鳴不止者當心呪曰神在神在神在

除瞶神呪

唵吉帝伊帝毗伽那禮帝摩陀摩婆訶

右法師左脚上床叩齒七七通令人不瞶

兼更行持修養極妙

去災厄法

法師於日夜睡卧間恐有災厄時及過三災九厄應作是言呪曰

我以天為父地為母吾居其中常如赤子日為功曹月為主簿當公電母在吾左右風伯雨師在吾前後六甲直符周匝圍繞青龍扶吾左白虎侍吾右朱雀導吾前玄武從吾後灶斗覆吾頭天罡指吾手騰蛇在吾足為吾

滅殃咎吾居丹房中太乙為吾偶左三右七

戴九履一二四為有六八為足吾居其中以為寶腹今救千鬼萬神各還本位當吾者死皆吾者亡速出奔逃隱匿沉藏天丁力士斬煞不祥急急如高上神霄玉清真王律令

此呪可辟百邪及五瘟之鬼遣一切無道鬼神行法之師於淨室中常當存想誦之

還神法

每月十五日并晦日先以意言神乎神乎然後以左手撫心乳竅呪曰

神乎神乎居我之宮入我之殿從我而處與我言語無復離已黃炁守中而變化成神也

照呵照呵急急如律令

右誦三遍則神守形百邪衆病不得入也

明目法

當以雞鳴時存目中各有一人長三寸黑衣而立當敬念呪曰

左日右月復成玄朗令人洞視萬里外事念三七遍或有患者宜令不輟矣

自解憂愁法

如師目瞬耳鳴心動面熱意中陰憂也必有憂患事當默念呪曰

司命通天真人續生命以金繩使兼千秋無窮念三遍即止


梳頭髮不落法呪

泥丸之上玄華實精左為隱日右為月根今日精鍊百神受恩祝了却使梳髮永不落通神明矣

洞觀部



右符歲除夜黃紙黑書佩之應有急厄即解



右法黃地朱書半夜子丑時吞二次有神功咽津閉炁一月內任使六丁自然心知吉凶當預報也

六甲真諱

出願 登載 拱護  
兕 兕 兕 兕 兕 兕

右法春面東夏南秋西冬北子後午前正

坐叩齒三十六通閉念呪漱津九口百

日面有玉光百神護身凶吉當預知也

北斗七星真諱

斗夕 獲行 聖甫 聖  
兕 兕 兕 兕 兕 兕

右法朱書納竹筒中蠟塞置雞窩中同抱

七七日出以東流水吞之心神開朗日誦

萬言

南斗六星真諱

禹 旨 火 天 尊 勝  
兕 兕 兕 兕 兕 兕

右法以黃紙書符燈上燒看有紫雲異香

燈中有白衣披頭仗劍神人見者凶仙服冠  
簡者吉可回死起生忌孝子師僧雞犬文穢  
不祥以法吞之除精邪保命延生

上清妙行真人輔正破崇符


兆入淨室存神取天地日月五方炁吹筆書

符大事用丁甲壬奉請衆神依教攝降真炁

入符爲某行某事呪曰

北斗靈童一呼百應太一通靈一呼百應法

師呪七遍吹彈在水中與患人吞服



五星靈應帝君和合某年人命急急如元始  
天尊敕本師真君律令

書符一道頭上帶每書三道吞至夜書一道


五色紙錢代人一身用茶酒七分於露天望

北斗衆星之下置香案燈燭如法供養法師


并齋官具說平生所犯意默奏北斗玄穹上

帝北斗七元星君左輔右弼星君北斗中神

仙將吏某爲父母染患日久并公訟在獄未  
能平息遂將某年命書算保護父母壽命延  
長構祝畢於北斗下燒五色紙錢代人一身  
并獻錢狀如此每月三次首罪方得吉利也  
三日爲一算一年爲一書十二年爲一紀



右師行持時去處連夜卧斗候靈應之  
法




淨室布形席上步罡卧之念斗呪存身爲白  
鶴仙人仰斗候天旨臨時時又念大護身呪  
受大法之士逐日存神誦十遍乃至千萬遍  
其功不可具述呪曰  
大帝降凶惡單恩出上清九天排仗逆五嶽

列班迎萬里風雲合千山草木平雲頭過址  
海雨脚徹南冥黑殺為中禁天蓬建御營靈  
官持玉印太一捧金精坐震騎朱虎先鋒跨  
大鯨電光飛猛火雷鼓振天廷號令傳三界  
誅罰用六丁素皇稱豁落童子進開明地網  
周回布天羅合作兵火輪紅焰起羽蓋碧煙  
生擺撼乾坤動飛騰宇宙驚吞滄海竭力  
壓泰山傾虎應庚辛白龍隨甲乙青斬滅顛  
狂輩消除惡毒俾下鬼并狂孽何勞苦戰爭  
群妖今日盡萬鬼速逃形急急如王清上帝  
靈命不得有違

誦呪三遍取東灶炁吹吾左右左手招玉  
訣叩齒三十六通書此呪令人持歸同金  
錢雲馬於中庭焚之驗捉鬼神惡業也

解穢符



諸行法官出入行持經過之處或有喪家

厭穢臨產之室并猫犬六畜一應厭穢回  
壇靖當用此符燒灰淨水調向東南取炁  
一口三呷之當誦玉帝呪曰  
神靈天真玉液元津上清華房元始老君妙  
入太霞光耀玄文七神飛泉吐鄧受煙我位

上王逼合鬼群八威吐火肅侍尊神千去  
穢凶惡不存萬萬魔王保命護形急急如律  
令念三遍指玉帝訣名三境呪

解穢淨身符



呪曰

天地運行日月之精光徹四海斷絕妖精厭  
鬼伏寧身有光明神光既作萬穢肅清敢有  
不伏送汝天丁急急如律令

建壇式

凡建壇坐北面南設三師位中設上真位左  
設神將位右設法師位更設天師一位一邊  
置印匣桃枝洞案前置水一甕壇中心用鏡

初安之

行禁式

凡欲行持入室先念淨身呪次念淨天地呪  
畢次念入戶呪存想功曹神兵從空而降左  
右指二指上節禹步斗望東南取炁左吹右

吹存自己為真王左右前後四靈左日右月  
五星在頭二十八宿圍繞神霄神府立師之  
左右如密霧次存見真王青華韓君三師在  
東南五色慶雲之中三台丁步了香案前以  
左右手按心叩齒三通存香中有九色雲炁

上衝九天祝曰  
天朗炁清三光洞明金房玉室五芝寶生玄  
黃紫素來映我形玉童玉女為我致靈九炁  
齊昇三元同輯上浮紫蓋昇入帝庭急急如  
律令

吹上香答白

具位 某香焚寶炷法出天文發金爐而瑞  
炁凝空散玉煙而祥雲作蓋應感斯須以鑿  
虔祈靈真下降響答行持恭以道香德香無  
為清淨香自然香妙洞真香靈寶慈香超三

界香三境真香滿瓊樓王京遍周天法界  
 香供養三清上帝十極高真祖師高上神霄  
 玉清真王長生保命天尊宗師高上神霄王  
 清王青華救苦太一一定福天尊真師九天益  
 算司命好生可轉君丈人保福天尊東西華  
 臺仙卿左玄真人驅邪院使神符總監統兵  
 二大將軍雷部諸大將軍神符吏兵功曹使  
 者一切主宰額降真炁入臣筆法之中書符  
 攝鬼大降威靈臣冒瀆天威罪當萬死臣誠  
 惶誠恐稽首頓首再拜謹言 如奏事於一  
 切主宰下入事如意奏之

祝畢念都呪一遍取炁吹筆上大卓筆三  
 下便下筆書寫不得與人言語不然恐勞  
 神只用黃素朱書都呪一道入於筆管中  
 每過三九日取炁三口入筆管中凡書別  
 用不可用此法筆

凡治病人家帶真形圖當心步斗了次將分  
 城圖布地上想成真金玉闕左右前後分三  
 十門各生金彩玉光纏身也然後左手掐辰  
 文書召功曹符一道於巽上燒之召至祝事

當高聲云 與吾火急勾集本府靈官功曹  
 將軍童君王童玉童王女吏兵等衆只今嚴裝威  
 儀一合下降當府有事指揮急急如律令  
 存上件主帥皆在五色慶雲之中身著五色  
 雲錦之衣皆執新器械便將左右總監壇符  
 將軍符燒祝之云 與吾統兵隨吾前去未  
 人家擒捉鬼神附體通說姓名疾疾 如要  
 別用則入事如意用之


祝將違呪

吾奉皇天唐命玉帝頒符授吾法職掌管神  
 霄玉府賜吾九錫十賚八威之冊丹霄之輿  
 龍文鳳璽紫素之書報告萬神莫敢干吾五  
 嶽四瀆隨吾指呼救苦神將前去某家為某  
 事奔風火急不得停居千妖萬魅受命須誅  
 明回報應言功玉虛三界之內誰敢當吾神  
 劍屠戮厥疾馳吾在壇前執劍相持疾疾  
 急急奉高上神霄玉清真王天尊律令

攝邪治崇附體法

凡治病一到人家左脚踏門存成玉城金闕  
 便步藏身斗右手掐斗印左步念陽斗名右


步念陰斗名剔斗蓋身便急念護身呪方念  
 病人然後次第行持



護身呪

北斗七星大聖感通靈三台佐前後覆護  
 我身形急急如高上神霄玉清真王律令

火單符



炎靈炎靈火帝之精流火萬里鬼滅無形噴  
 天豁清嘒地永寧嘒人長生嘒鬼滅形嘒離  
 寶殿火單之靈奉請南方大火輪將蓋與放  
 三昧真火為吾單定疾疾

右法結大火輪印中文指存一人形若將軍  
 狀兼真火領火兵十萬人前後單定病人